



1273



西山先生眞文忠公文集

+

Inches

1 2 3 4 5 6 7 8 9 10 11 12 13 14 15 16 17 18 19

Centimetres

TIFFEN Color Control Patches

© The Tiffen Company, 2007

Blue

Cyan

Green

Yellow


Red



Magenta



White

3/Color

Black







西山先生文集卷之九

勸學

物內外

宗社橫承

對上帝

盡顯高明

甲之履

儀以嘗

於空

用格

於郊

類方

惟

示于今

七閩念


蠲漢之微

中外之安

格豐年

洗文

崇大報之



西山先生真文忠公文集卷第十九

翰林詞草

大禮御札赦文

郊祀大禮 御札

勅內外文武臣寮等朕奄宅庶邦于今七閏念
宗社纘承之重若涉深淵雖宮庭燮燮之微如
對上帝矧當禋祀尤極嚴恭曷更中外之多虞
允益顯高明之垂右銷旱蝗之孽浸格豐年洗戈
甲之腥溢為和氣既訖小康之效盍崇大報之
儀况嘗游饗於堂慈茲用恪修於郊類方將推

筭而迎日至文且奉瑄而見雲陽爲百姓以祈
敢云專御來諸侯之助其罔弗欽爰戒先期宜
享群聽朕以今年十一月二十日謁款于南郊
咨爾攸司各揚乃職相予肆祀毋或不恭故茲
詔示想宜知悉

郊祀大禮赦文

朕以眇躬嗣承先烈今寧王遺我大寶茲持守
之甚艱而上帝監于四方實照臨之有赫居懷
兢業罔敢怠寧自更化之惟新益厲精而加勉
一日必謹五年于茲幸昭受於天休獲鞏安於

國步昔羽檄交馳之地今惟玉帛之往來昔粒
食垂罄之民今有京坻之充積豈繫涼德惠底
小康亟詔有司稱秩无祀故嘉薦屢修於重屋
而縟儀久曠於崇立茲惟其時祗率舊典奉幣
而款真宇灌圭而朝太宮合祛兩儀升侑一
祖樂倫園鍾之奏詩歌成命之章象質素於陶
匏羅周張於黼黻蓋極天下之物不足報功惟
盡內心之誠庶幾克饗有祝史正辭之告無祠
官祈福之私高靈顧歆協氣充塞飛靈六出既
先事以應期絜日重光復彌旬而開霽雖迄熙

成之禮愈勤祗栗之思緬懷 慶曆之郊禋恭
味 仁皇之諭旨除降祥之地而懼采切席已
安之勢而念益深大哉聖謨實為可法矧如菲
質敢替此心屬當外內無患之餘尤軫夙夜畏
威之戒欽念求端而從事莫如尚德以緩刑其
誕布於恩綸庶均霑於帝祉於戲天生民不能
獨治故付予統理之權后非衆罔與守邦宜加
乃困窮之惠惟內之群工庶尹若外之方國元
侯共體好生之仁俱懷拯溺之念推德意以達
于下諏疾苦以告于朝俾萬物各遂其宜微一

夫弗被其澤庶膺眷佑同享丕平

制

觀文殿大學士提舉臨安府洞霄宮吳興
郡開國公錢象祖特授少保加食邑一千
戶實封四百戶令所司擇日備禮冊命麻

制

國家之慶莫盛於建儲人主之恩尤先於篤舊
維朕元子誕膺典策之華念我宗臣嘗忝師傅
之重厥有明命告于群工具官錢象祖器度宏
深材猷環碩生重侯累將之裔有先正名臣之

風其踐政涂非群議於兵讜驟開之日其登揆
席翊萬機於朕躬親攬之初功名赫奕以不居
進退雍容而有裕粵予上嗣正位前星既主宅
之得人肆臨軒而錫命金石在虞協風揚從律
之龢措紳盈庭景曜煥重輪之瑞緬惟黃閣弼
諧之老久宣青宮調護之勞獨興嘆於滯南諒
傾心於拱北其加茂渥以獎舊勲學士象四時
仍延恩之邃職孤卿位九棘陟亞保之歸班珍
臺更使領之嚴圭食衍邑封之寵於盛元良之
正萬國夙嘉輔導之功二公之弼一人更藉謀

猷之益勿以爾身之居外而忘臣職之效忠往
殫乃心祗若予訓可特授

皇伯奉國軍節度使開府儀同三司充萬
壽觀使嗣秀王師揆可特授少保加食邑
食實封制

王者建儲立貳所以繫萬國之心備物陳儀所
以垂百代之憲故齒胄行而國人化主卷定而
宗廟安既鉅典之崇成宜湛恩之敷錫矧惟伯
父夙號賢王其頒制冊之公用聳廷紳之聽具
官師揆器資宏裕業履端醇逮事 阜陵恩隆

猶子之愛受知 光考誼均同氣之親而能恪
守宮庭動循矩度賜履襲秀園之舊辨儀忝宰
路之崇德盛而禮彌恭位高而志愈約朕若稽
古訓豫建元良酌有唐太極之舊規傳 至道
朝元之故事 顧瞻群彥紛鷓路焉以充庭有偉宗
英儼貂蟬而在列爰加命數以侈榮懷仍節制
於元戎峻等威於亞保以光外朝九棘之位以
煥宗正二星之曜申衍豐租具昭殊眷於戲三
畎之重百辟所瞻弘化彌予雖少異周王建官
之舊制節謹度當毋忘宣尼守貴之言於昭令

猷欽對嘉命可特授

皇叔祖昭慶軍節度使提舉佑神觀嗣漢
王不儔可特授檢校少保加食邑食實封

制

建儲所以尊宗廟蓋圖千載之安睦族所以厚
人倫期底萬邦之協朕鑒觀往訓冊命元良既
典章文物之一新斯天地神人之咸悅厥有大
寶宜先近親其敷渙恩用穆師聽具官不儔令
猷淵邃雅量冲和早晞沛輔之賢矜嚴有度晚
慕辟強之節清靜自誤以真王紹服於濮園以

大將擁旄於雲水振振信厚聳承平公姓之風
抑抑威儀蔚昭代老成之望比正前星之位聿
彰游震之符毓明德而居少陽丕隆國本鋪鳴
藻而伸景鏤誕舉邦彝有偉奇美與陪盛禮爰
因繼體之義思廣篤親之仁締冕篆車俾政叅
於寅亮珍臺開館仍自造於燕頤增衍真奮併
昭茂渥於戲大宗維翰朕歆致本友之強三孤
弼予爾尚期名實之稱惟不忘居寵思危之戒
斯無媿以德詔爵之公光昭前聞永有終譽可
特授

史彌遠特授正奉大夫依前起復右丞相
奉化郡開國公加食邑食實封制

天下之本在元良左右得賢則萬邦正人主之
職論一相經綸有道則百度修朕蚤建皇儲迄
成繹典廼眷股肱之良弼夙殫羽翼之深功其
敷渙恩以詔群辟具官吏彌遠寬闕而鎮栗剛
大而粹夷有尊生庇民之誠足以衛王室有忘
身殉國之節可以通神明自持橐於甘泉即橫
經於資善琢磨令範斧藻大猷掃浮雲而開泰
清再康天步導前星而貳宸極益固邦基乃登

籌帷乃穆台宰進則謀謨黃閣以變諧萬化之
元退則陪輔青宮以講明三善之益展也宗臣
之望凜乎先正之風屬載考於上儀當亟褒於
中茲義深體國固無懷寵利之心賞或忘勞何
以示賢能之勸用晉文階之峻申陪井賦之優
於戲日重光而月重輪既不昭於令德河如帶
而山如礪方首序於元功惟君臣相得之其難
而事業當圖於不朽勉摠閔醞庸副殊知可待
授

楊次山特授少保進封永陽郡王加食邑

食實封制

朕蚤建儲闈聿修冊禮黃麾設伏眡元會之盛
儀鱗奠充庭奏明安之雅樂班行悚動朝野歡
康既闕宗祏之休宜錫后家之澤維親賢之莫
二肆命數之兼崇揚于大廷告爾多士具官楊
次山耆明而肅艾簡靜而裕和早奮右庠旁貫
九流之蘊奧晚臨左戚蔚為百姓之儀刑自膺
齊旄繡袞之華久迹閒館珍臺之佚位叅將相
行無改於布帛名在族嬭身弗留於輦轂得遠
執避權之體有闔門養重之風惟朕躬親攬於

政機顧后德實多於內助比宜離明繼照之象
允資坤載順承之功典策告成邦家切慶若時
懿屬可限彝章其登外朝位棘之尊仍疏王社
苴茅之貴指洞庭之野麾幟不移畫滌水之陽
封疆特大置為異渥夏掩前聞於戲若古訓言
位祿匪期於驕侈維大明長謙盈隨示於益虧
爾其守樊侯謹約之規晞寶君退遜之節勉肩
忠蓋思保寵榮庶無後艱水有終譽可特授少
保進封永陽郡王依前岳陽軍節度使充萬壽
觀使加食邑七百戶食實封三百戶仍令所司

擇日脩禮冊命主者施行

奏劄子

臣恭覩 陛下以東宮冊禮告成明詔疏恩戚
里之賢寵數優隆加以王爵稽諸典故所未前
聞然其老成靜重公論素所推予身為外屬而
避遠權勢不居京師治家教子風聲凜然誠近
世戚畹之所未有意其賢德夙簡聖心故因鉅
典之誠特示寵擢臣承命草制亦能推明 陛
下所為褒表之意播告中外矣然臣伏觀古今
載籍之傳莫不以恩寵太盛為外家之深戒漢

世賢戚無出樊宏陰興右者宏之言曰富貴盈
溢未有能終天道惡滿好謙前代貴戚皆明戒
也興亦有云外戚家苦不知謙退富貴有極人
當知止夸奢益為觀聽所譏惟二人者其所操
持若是故其子孫昌熾世有令聞為史冊之光
臣愚竊謂二人之言蓋陛下所當知而戚里
所當鑒也夫倚伏無常古今所畏崇猶塵積贊
若駭機不可不深圖不可不豫慮伏惟陛下
清燕之間省觀樊陰之所由得追跡梁竇之所
由失常思所以安全外族俾蒙謙靖之福而不

上菲盈之咎斯誠宗廟社稷無疆之休臣以非
材承乏詞禁官雖甚卑其職則有唐供奉之舊
故敢因事陳愚妄希李絳白居易之萬一惟
陛下裁赦臣不勝大幸謹具劄子陳奏以聞伏
乞 睿照

史彌遠特授光祿大夫右丞相兼樞密
使兼太子少師加食邑食實封制

門下朕夙興眡朝夕惕念治攬萬機而兢業若
涉春冰倚一相以經綸用作霖雨頃以安危之
寄起于艱疚之中素冠纓纒既畢禮經之制亦

賜几几庸新宰路之瞻播告大廷咸聽朕命具
官史彌遠清明而在重宏毅而粹溫勳相我家
世侈旂常之載端誠於國心逾金石之堅當群
狂之橫流仗孤忠而首奮不為禍福之慮獨激
社稷之言掃袂第於太微乾端澄肅正少陽於
貳極震器尊安陳平之智有餘蕭相之功第一
方圖夾輔遽服私憂蔽自予哀武從權制而能
以勤勞熙帝載以寬靖鎮物情有裨賢引類之
風有折嚮銷萌之畧雖閔騫至孝歆畢三年之
哀而元齡善謀豈容一日之去矧更吉制宜舉

微章論道巖廊兼摠樞機之要從游儲禁允資
模範之良以并賦則加多以文階則加峻維國
舊典匪予汝私於戲天難諶斯詎敢忘惟幾惟
康之戒民亦勞止蓋兵圖既庶既富之功朕方
愛日以有爲爾尚輔予之不逮四事未施則周
公坐而待旦一夫第獲則伊尹視如內瀟勉行
所知無媿前哲

夏震特授武信軍節度使兼前都指揮使
進封加食邑食實封制

門下太微南宮上將拱端門之位羽林北落眾

星聯壘壁之光朕仰觀乾象之文近飭師兵之
衛惟予圻父扞我皇家其須贊書以疎群聽武
康軍承宣使殿前副都指揮使舞陽縣開國男
食邑三百戶食實封一百戶夏震性資樸重風
稔沈雄早猿迹於顏行晚策勲於盟府執戈衛
社闕如貔虎之威仗鉞奮忠迅若鷹鷂之擊心
惟享上誼不辭難遂臣中權遂司留務臣傲道
千廬之邃肅穆無聲領屯營萬騎之嚴訓齊有
紀疇其多績錫以褒章建蜀道之戎麾正巖除
之使領豈云假寵予以勸忠於戲若時將帥之

臣蓋無越六旋之貴維我祖宗之世率以旌

百戰之多爾其思思遇之難躋惜功名之易老

惟廉可以飽士惟公可以服人往其欽哉勿替

朕訓可特授武信軍節度使進封舞陽縣開國

伯加食邑五百戶食實封二百戶主者施行

夏震除太尉依前武信軍節度使致仕進

封武陽郡開國侯加食邑食實封制

門下授齋壇之鉞方溥號之誕敬挂神武之冠

忽需章之亟上若時虓將厥有駿功茲折解於

巖巖肆進登於尉府敷我明命告于治朝武信

軍節度使殿前都指揮使舞陽縣開國伯食邑
八百戶食實封三百戶夏震少以勇聞晚由忠
顯頃屬攬權之始與聞去惡之謀以號令一衆
心若周勃入北軍之日以感慨圖王事若多祚
領羽林之時繇列校而秉中權自庶車而陞留
務久總疑嚴之護甫顯節制之權而受寵若驚
以疾來詔命將冀呂蒙之愈莫如聽李靖之歸
燕休精神以便藥石佩秦官之印綬式獎爾勞
建漢將之鼓旗俾仍其舊胙之侯爵豐厥圭畚
於戲垂車而傳子孫雖已從於閒達闔門而養

威重猶可備於諮謀尚勉衛生毋忘報國可除
太尉依前武信軍節度使致仕進封舞陽郡開
國侯加食邑五百戶食實封二百戶主者施行
皇伯師垂特授少保依前定江軍節度使
致仕天水郡開國公加食邑食實封令既
司擇日備禮冊命制

門下朕倚重天支參扶國棟言念 阜陵之近
屬存者幾人有嘉秀邱之象賢蔚其未老方賴
維城之助遽騰謝事之章告于大廷敷我明命
具官師垂器資閑裕德宇靚深馮宗廟之休光

襲父師之餘訓建旄開府富貴無矜麥之心鳴
玉會朝進止有安詳之度比典司於屬籍旋燕
佚於祠庭載渴儀刑每履朝夕龍旂孤鞞尚庶
幾伯父之來乘馬路車其敢忘君子之錫云胡
抗牘函請挂冠所期爾壽而爾昌詎意斯人而
斯疾重違其志姑遂厥私宜陞亞保之班併衍
多田之賦於戲若時同姓實衛我家雖公族枝
葉之浸蕃有光前古而老成典刑之日遠良慟
朕心尚體眷懷勉綏福履可

吳瓌特授少師致仕加食邑食實封制

門下朕聞仁莫大於篤親義莫先於貴齒惟有
周任妣之德終古難忘顧中興陰馬之家舊人
無幾獨餘一老又列三孤遽謝事以言歸為披
章而太息敷時顯冊告爾庶工具官吳瓌逮事
高皇馮休 憲聖以位則絕九卿之席以屬則
先四姓之俟而能敬恭自持終始弗懈退遜如
廣國未嘗以貴而驕人畏謹若樊宏但欲守謙
而全已繼 大皇之盛烈有大造于我家慈惠
宅心端母儀於四世從容定策贊內擅於三
朝追懷保佑之功莫伸覆載之報幸爾身之未

毫猶朕志之少寬廼以疾聞難於詔奪其疏茂
渥俾亞維師元戎秉鉞之雄上公賜履之重悉
仍舊服申錫新畬於厥老成國之著龜懿戚予
之肺腑今其往矣寧不盡然尚保垂車之榮未
忘授几之寵可特授少師依前招化軍節度使
華國公致仕加食邑士百戶食實封三百戶令
所司擇日備禮冊命主者施行

史丞相回授加恩進封永國公加食邑食
實封制

下三代之教太子必惟端士之求五等以命

諸侯無越上公之重矐子昂輔文昭震宮若時
祖宗謨訓之書尤賴朝夕講論之方既革新於
令德宜優答於元功昨土分封揚庭重表具官
史彌遠直方以大明哲而忠昔保衡作我先王
玉昭求世之烈而伊陟格于上帝克篤前人之
休自入侍於井泉即泛游於資善收威柄而尊
王室密贊至謀建儲貳以重宗祧獨陳大議暨
秉鈞樞之任益殫羽翼之誠謂將開迪於英猷
莫若參稽於成憲繇 藝祖而至 真廟源流
一道之相承自治體以及邊防渾噩百篇之具

在肆因誦說時寓箴規俾元良有得于中猶列
聖實臨其上屬周厥帙爰獎爾勞廼屢形考父
之恭期必遂范宣之遜勉馳階品僅衍賦輿踵
先正賜履之邦示奕葉傳龜之籠若太公於齊
姬公於魯有周以表殊勲而呂氏之申韓氏之
儀我宋以為盛事載放新渥增煥舊聞於戲
父子登庸既萃一門之美君臣相教當圖千歲
之安朕方惟保國之孔艱卿亦念承家之匪易
尚懋播蓄之業永堅帶礪之盟

希澤特授昭信軍節度使開府儀同三司

進封制

朕導列聖之撫厚同姓之禮雖雍容朝謁未
嘗貴以事功而焜耀寵名或兼榮於將相矧予
鷹後時乃宗英其分陝有召公之風其治魯有
伯禽之政遽茲告老寧不疚懷明敷贊書不尊
群聽具官趙希澤出藝祖神明之胄擢阜
陵後造之科行若不勝其衣而有任重之器言
若弗出諸口而優經世之材以璿源屬籍之親
守圭竇矚儒之行自縮楚東之印迨持江右之
麾悃幅無華慕漢京之循吏清靜自定師蓋公

之至言比奏最於全吳俾偃藩於姑孰庶幾坐
嘯之樂可忘卧理之勞迺貢誠忱頭從聞燕進
班奎歿賦祿珍臺魯詔墨之未乾已襄封之狎
至覽觀太息訓諭莫回所期爾壽而爾滅詎意
斯人而斯疾其膺元戎十乘之拜併昭上公九
命之儀以賁菟裘之歸以昭麟趾之寵於戲維
今人才難得之日有若公族間出之賢非獨填
撫侯邦賴翰垣之重抑亦夾輔王室倚枝幹之
疆顧中道以退休拊予衷而增慨尚其冲齋對
此褒膺可特授昭信軍節度使開府儀同三司

致仕進封天水郡開國侯

建武軍節度使充鄂州駐劄 御前諸軍

都統制王喜加食邑食寶封制

門下朕躬發南郊之盛禮瞻懷西土之功臣雖
軍國異容莫與執籩之列而戎祀大事盍均授
辰之恩煥是明綸予于衆聽具官王喜性資栗
鏡風稟沈雄窺玉帳之奇登研窮於機略拓銅
梁之阻曉震懾於威名誠存金石之堅功耀旂
常之載又摠戎於順政旋易戍於武昌紀律精
明足以厲三軍之氣笑譚整暇若然折千里之

衝屬予拜况於中壇念汝宣勞於外闡用荒采
邑俾洽神釐於戲朕敬於事天爾當視以為尊
君之法朕仁於惠下爾當推以為撫士之方益
懋勲庸永綏福祿可

隨龍保戎軍即受使提舉萬壽觀譙令雍
加食邑食實封制

門下朕誦曲臺之文長園立之祀敢言非德足
膺皇皇后帝之歡獲迄曠儀實賴肅肅辟公之
相迺卷龍潛之舊廢有鼓奔之勞其敷詔息以
洽邦慶具官譙令雍溫恭而有恪博譽而好修

自我 先皇憚從游於朱邸迨予初載又司謁
於彤闈當眷知未憇之時抗蕙靖無求之節齋
壇煥寵恍閱周星祠館清心澹如一日視執權
若將浼已處富貴不以驕人屬祗薦於明裡俾
肅陪於嚴衛念西鄰之禴祭受福既多豈南陽
之故人跡封可後其因舊履更啓新畝以廣欽
柴之釐以旌伐木之助於戲賜爵於廟王者之
至公事君如天人臣之明誼徃堅素履式對鴻

休

皇叔師禹除檢校少傅制

門下朕蒐飭禮樂燮和神人惟國家更化以來
未皇大報賴天地降祥之應婁獲豈年三垂晏
清七政明潤延御齋輅延升嘉壇侍祠數百人
咸肅雍於漢時同姓五十國疇表倡於周盟有
偉者英實參薦獻其盼贊毋以告斯廷具官師
禹志行潔修性資凝粹黃派玉瓚挹之而有芬
馨清廟朱絃澹然而諧律呂屏驕倨貴時之習
迴忠純厚德之風自擁辟旌文安珍館雖疏北
闕之朝謁每問東平之起居比躬太極之祠恐
保 孝宗之室緬懷遺烈等覆載之難窮環顧

近親慨老成之無幾矧予茲祀嘉乃同寅其進
眦於孤幼併增陪於采邑上以體 皇祖篤宗
支之念下以伸冲人尊狀父之心於盛受福而
不敢康王者所以承丕命居寵而弗自溢人臣
所以求令名朕方堅畏威時保之誠卿其懋作
德日休之戒尚惟哲艾母竢訓言可特授檢校
少傅依前皇叔保康軍節度使提舉佑神觀充
秀安僖王園令兼秀王位檢察尊長天水郡開
國公加食邑五百戶食實封二百戶主者施行

長琰除檢校少保制

門下朕詎曲臺之儀肆園丘之祀鳴鑿夙駕喜
景氣之曠暄奠璧宵昇仰月星之明概靈娛來
裕熙事備成惟泰元尊既授漢皇之策賜伯舅
胙宜均周室之恩其頒贊書以穆師聽具官吳
琰馮休四姓際遇三朝遠勞避權蚤踐樊陰之
躅頌神養素晚師黃老之言飭躬期媿於前修
教子蔚為於時用比展宗祊之謁求懷 祖后
之慈瞻長信之宮尚存遺範訪涓陽之里今鮮
近親克有典刑維時耆艾屬截祠於八陛賴留
衛於九重載嘉忠勤宜享寵秩參華孤棘之貴

銜食轅疇之豐匪徇予私蓋均帝祉於戲歌成
命之頌朕方勤夙夜以緝熙誦外戚之箴爾尚
鑒古今之成敗惟上下共繇斯誼則邦家永孚
于休諒惟老成毋缺訓告可特授檢校少保依
前保信軍節度使提舉佑神觀廣陵郡開國公
加食邑五百戶食實封二百戶主者施行

皇伯師揆少傅奉國軍節度使充萬壽觀
使嗣秀王食邑五千九百戶食實封二千
一百戶特授少師依前奉國軍節度使充
萬壽觀使嗣秀王加食邑食實封仍令擇

日脩禮冊命制

門下朕倚重天枝忝扶國棟念昔 仁祖獨優
荆卽之賢若時 恭陵尤厚盜王之禮蓋明德
莫如睦族而貴老為其近親廼瞻耆英宜加異
數其敷典冊以詒臣工具官師揆挺信厚之姿
臨醇明之度風流絕其世美標望冠于宗盟爵
為真王位列孤傳年高七袞德齒皆謂尊身
歷三朝恩禮莫之與比緬懷憲靖風著忠純惟
功在於我家故變流於後嗣顧高陽之八子今
僅幾人在建初之四王最為稱首念典刑之足

尚豈命秩之可稽進貳師垣陪輸采邑於戲錫
爾多福匪顯示於私恩屏余一人政有資於遺
老尚綏眉壽式對龍光可

詔

淮東湖南江西三路盜賊作過除賊首合
行收捕其餘脅從等人並從原貸許以自
新各令復業仍仰州縣多方賑卹詔

勅門下朕以眇身君臨方夏明有未燭德有未
孚頃緣誤國之臣妄動開邊之釁科役煩重人
不聊生旱蝗頻仍吏弗加卹使吾赤子多轉徙

以無依而彼姦民因誘休而為暴靖言致寇敢
昧責躬近而承楚兩郡之間遠則江湖數邑之
地生齒或遭其蹂躪屋廬或至於燬焚惕若與
懷為之肝食今禁旅揚威而並進鄉豪戮力以
爭先震盪無前場平有日言念脅從之衆豈昔
好亂之氓弄潢池之兵諒非爾志烈崑岡之火
亦豈予心與其假息以偷生孰若轉禍而為福
在昔 乾道 淳熙之際有若李金陳炯之徒
雖暫結於蜂屯卒莫逃於鯨戮自有宇宙至于
今日未聞盜賊得以全軀想惟爾衆之習知豈

待朕言而後諭今則宏開禁網誕布寬畫惟予
不殺之仁昇爾更生之路倘復舊業即為良民
棄兵弩持鉤鉏苟知舍逆而效順問田疇卜居
宅當俾去危而即安尚惟郡縣字人之官共宣
朝廷惠下之澤亟除民瘼肅副朕心其楚州衡
郴吉州南安軍等處盜賊作過除賊首合行收
捕外其餘脅從等人如能解散歸投並從原貸
各令復業許以自新仍仰州縣多方賑卹故茲
詔示想宜知悉

科舉詔

初門下朕惟我祖宗張設科目以網羅天下
之彥麗臣碩輔多此涂出庶幾乎三代選舉之
意朕以涼菲獲承丕緒所與并天位治天職者
非一時賢士大夫乎故自踐阼以來凡數下賓
興之詔思得英傑協圖康功而前者妨臣崇飾
私意淵源醇正之學斥之為偽忠亮鯁切之言
嫉之若仇繇是士氣鬱而弗伸文體浸以不古
肆朕更化之後息邪說以詎設行闢正路而徠
忠規四海之士聞風興起既有日矣今茲大比
爾多士其各抒所蘊試于有司賢書來上朕將

親策于廷以備器使詩不云乎鳶飛戾天魚躍
于淵豈弟君子遐不作人朕之慶昂士藪蓋與
周之先王同出一揆爾多士其可不勉自澡濯
以副招徠之意乎故茲詔示想宜知悉自而前
者至徠

忠規六十四字為恭致策
機貼去重說今俱存初本

答詔

賜太中大夫權戶部尚書兼詳定勅令官
沈誥辭免除戶部尚書兼職依舊日下供
職恩命不允詔

勅具悉古者以大道生財以儒術富國故大司

徒教職也而負賦屬焉意深遠矣維今急務邦
用最先然知取而不知予舍道而一於權則人
無自存君孰與足故朕於地官之事非儒者不
以付之卿學問深博為時聞人久踐計省尉有
成績肆予酌之師言命卿為真常伯宜直以是
為卿寵我損上益下之宜理財正辭之美卿益
講之熟矣其益推行所學使君民兼裕以庶幾
盡徹之意此朕所望於卿者顧何以辭為所辭
宜不允

賜朝議大夫試尚書禮部侍郎兼太子
右庶子兼同修國史兼實錄院同修撰
汪達辭免除吏部侍郎恩命不允詔

物具悉維乃先正以直道讜言侍從我烈祖
著在國史號為名臣顧朕不及見之矣夙流未
遠有子而賢學問淵源克守家法剛毅之氣擯
抑不表肆予更化之初命趣造朝之駕資其直
清故使與朕禮倚其道誼故使輔吾兒然猶慄
焉慮進用之未亟也若時文部繫爾世官其以
家庭講貫之規施諸人物銓衡之際顧誠餘事

焉用多辭所辭宜不允

賜朝散大夫試尚書兵部侍郎兼同修國史無實錄院同修撰兼太子左庶子戴溪辭光除太子詹事日下供職恩命不允詔

勅具悉朕深惟萬世之本莫重元良博選一時之英俾司輔導若時詹省實宜選必擇其人欲使聞仁義道德之要必顯其職庶幾陪居處出入之親以鄉風現瀉儒首參鵠葉節歷歲時之久養成德性之尊與其贊貳司戎尚有簿書

之責孰若優繇端尹日惟經訓之陳用正厥名豈輕所付當勉承朕志慨慕前修毋徒守於一謙庶益禪於三善所辭宜不允

賜太中大夫權工部尚書何異乞守本官致仕不允詔

勅具悉知止遺榮為臣之高致貪賢敬老有國之令猷蔚以舊人儀于法役年雖耄艾居然視聽之未衰職在論思非以筋力而為禮蓋有三達尊之望初無二宜去之誠况莫崇乎八座之班而至簡者百工之事縱令自佚何以過茲

其慷慨懷歸以行義教于鄉里孰若優絲在列
使名聲重於朝廷勉使厥官毋拂予意所請宜
不允

賜武康軍承宣使殿前副都指揮使夏震

乞官覲差遣不允詔

勅具悉朕以卿有衛社之忠整戎之畧擢從環
列寄以腹心晉路之秩亞于節旄巖陞之權冠
于宿衛待遇之意可謂超軼故常矣卿將何以
報朕哉惟恭勤弗懈足以扞王家惟恩威並行
足以齊師律則卿不慚於唇寵朕無愧於知人

若夫慮忤物之拙尤思引年而就佚此人臣包
全之計非古名將所以自期者勉效春倚母復
有云所請宜不允

賜正議大夫守兵部尚書兼知臨安府趙

師罪乞界祠祿不允詔

勅具悉卿以膏敏之材通明之畧三踐常伯四
尹神皋維今同姓之英際遇寵榮未有出卿右
者也固當視國如家視民如身履盤錯而弗辭
當怨誅而不懼使邦幣無壅民食告克困窮有
憂愁歎寢息庶幾下足以塞都人之望上足以

寬當宁之憂朕之用卿意實在此若乃規畫
施而靡竟精神尚壯而懷歸政當游及方新之
初遽謂疆弩垂盡之末於義未慝難於勉後所
請宜不允奏劉云以大耗之精神當益難之士
任云上強弩之勢既盡雖穿編有所
不能駕馬之力已疲
惟聞征則以為喜

賜中大夫知樞密院事兼參知政事兼大
子賓客雷孝友乞昇祠祿不允詔

勅具悉朕惟古之大臣身任天下之重一夫不
彼其澤若已納之瀟中未聞以獨善為高輕去
就為潔也卿與聞機政三載于今羣上服動風

夜匪懈朕躬之所眷倚朝野之所觀瞻何憊何
疑迺求釋位書曰若游大川予往暨汝奠其齋
今中外多故民物未康貨幣之源尚堙甲兵之
問日至朕方喟然當食弗御茲豈大臣亦去時
辱其思同寅協恭助朕所以憂此者以疾來諗
所未欲聞所請宜不允

賜中大夫知樞密院事兼參知政事兼大

子賓客雷孝友再上奏乞許役罷免俸奉

外祠不允不得再有陳請詔

勅具悉人主之用人非獨以榮其身大臣之事

君亦將以行其志朕所為置卿於鼎鉉之貳屬
卿以樞機之繁豈徒以高爵厚祿示眷寵之矜
蓋望其碩畫嘉謀裨經濟之用儻昧仰成之託
輕懷勇退之高人其謂何朕復奚賴宜忍君臣
同體之誼毋徇明哲保身之圖期素學之盡施
雖告歸其未晚所請宜不允不得再有陳請

賜正議大夫守刑部尚書兼修國史實錄

院修撰兼太子詹事兼吏部尚書曾映辭

免除吏部尚書恩命不允詔

勅具悉朕惟有周冢宰之職三公兼之所以統

百官均四海非它卿比也若稽古 神祖俶定

官制為一王灋天官當伯位叙充高迄于 元

祐非執政舊臣不在茲選朕更新萬化于今三

年真拜是官四人而已顧不重哉卿方嚴簡重

有先正之風忠亮篤實為邇臣之表間以大司

寇兼堯銓衡鑒裁之公達于朕聽予維寵嘉之

即命為真非卿誰可覽觀來奏殊異所聞謂方

靳去之堅懼有圖遷之誚夫引疾以句閑卿志

也登賢以自近朕心也卿欲必行其志獨不當

體朕倦之心乎亟其祗敘毋違朕命所辭宜

不允

賜新除資政殿學士中大夫知興元府充
利州路安撫使四川制置大使安丙再上
奏劄子辭免資政殿大學士知興元府四
川制置大使不允詔

勅具悉朕以卿有捐軀徇國之忠有戡難濟民
之畧誠節昭著勲庸赫然又欲遊山南之歸重
弗借寇君之願故易宣威而開制閫仍秘殿而
加大名所以聳遠人之瞻重全蜀之體也夫功
崇則瞻厚勞大則報豐豈有因常典而卿辭之

至再何邪勉循已定之規懋建無窮之利使邦
人懷葛亮之愛而夷俗畏德裕之威豈不韙哉
所辭宜不允

賜揚州觀察使知婺州軍州事兼管內勸
農使善下乞依舊在京官觀免奉朝請任
便居住不允詔

勅具悉朕惟治親治民之道一而已矣卿往司
屬籍既能使國之子弟知孝悌忠信之美今守
藩輔獨不能使郡之衆庶興禮義廉遜之風羣
民苟相安卧治可也遽求閒退非朕所期所請

宜不允

賜寶謨閣學士正議大夫知紹興府黃由
辭免除刑部尚書兼直學士院日下前來
供職恩命不允詔

勅具悉故舊弗遺所以厚風俗老成並用所以
重朝廷卿早冠倫魁有洋々仲舒之對曩事潛
邸有間々史魚之風蓋 孝宗所擢以遺後人
而 光考所知以傳台德越在外服既多歷年
問奉府之故僚靡忘注想奉會稽之計景式佇
來歸還登文陛之班兼峻玉堂之直惟心乎仁

恕必能迪朕德之好生惟老於詞章必能代予
言而作命亟承茂渥來告嘉猷所辭宜不允故
茲詔示想宜知悉

賜正議大夫參知政事兼太子賓客樓鑰
乞仍舊致仕歸伏田里不允詔

勅具悉朕觀商周之書其圖任必曰舊人御事
必曰耆壽下至秦穆悔過自誓亦知謀于黃髮
則罔所愆老成之士為國重輕其已久矣蓋閱
歷多則舉措審見聞博則策慮精德望孚則人
心服朕虛懷前席以致諸老意實在此卿醇深

之學高視當世剛毅之節自期古人而制行適
於安和持心本於忠厚多士之望欵然宗之高
卧十年肯為朕起海內屬目欲觀所為方資帷
幄之籌遷動丘園之興豈朕尊禮耆哲有未至
歟不然何去之果也夫七十之致仕雖著于經
二三大臣難拘此制抑昔代言嘗以是卻臣鄰
之請矣豈今日遂忘斯誼乎而况以志御氣則
何戒得之嫌以道應物則奚不能之懼勉行所
學永底厥成所請宜不允

賜正議大夫參知政事兼太子賓客樓倫

再上奏劄子乞放歸田里再挂衣冠不允
不得再有陳請詔

勅具悉朕惟老成之重中外所宗亮色不形觀
聽自服卿學醇行勁天下謂之正人心平氣和
時論稱其長者屬予更化之日起爾謝事之餘
出入三年踐更二府雖彌縫輔贊初無可見之
功而緝熙調娛自有不窮之益况昔者三賢之
偕召而今焉一老之僅存殆上天畀以輔予俾
斯世臻于極治倚毗方切去就豈輕獨靈光歸
然庶幾為魯國之鎮從赤松將耳難遽遂留侯

之心宜体至懷勿厯婁請所請宜不允不得再
有陳請元奏云雖號參知了無裨補竊窵輔贊
何所建明拜晚步趨率皆強勉十日所
視一心齋寧朔同召之三人今惟
存於隻影魄頑在列歸夢無形

賜保康軍承宣使左統衛上將軍鎮江府

駐劄御前諸軍都統制兼知揚州軍州事

充淮南東路安撫使節制淮東軍馬畢再

遇乞昇一在外官觀差遣不允詔

勅具悉朕以卿有折衝禦侮之材故畀卿以牧
人御衆之任注懷既厚屬望豈輕廼者盜發所
臨聲搖旁郡迄懸指縱屢以捷聞朕方操予奪

之柄以馭臣明賞罰之公以示信爾庸既茂方
且圖之何疑上章欲賦祠廩况今創殘未復愁
歎尚殷還定撫摩責在師帥又勞念佚他人可
也豈所期於將軍者哉所請宜不允

賜通議大夫試少部尚書兼詳定勅令官

沈誥乞還官政退老立園不允詔

勅具悉朕惟文昌喉舌之司蓋以待從論思為
職以卿老成直諫擢在此官庶幾鯁論嘉言日
裨予聽而無故告去其謂朝廷何夫年高任劇
固非優賢閔勞之意然事有緩急義有輕重方

時多虞用度百出雖吾二三執政之臣未免日親錢穀之問而卿遽求自佚可率當毋愛一身之勞庶少寬百姓之急大義如此卿其思焉所請宜不允

賜太中大夫守尚書戶部侍郎兼詳定勅

令官沈作賓乞界外祠不允詔

勅具悉迺者地官以缺貳聞顧詹在廷弄印莫界而獨起卿以家食釋材而任蓋不輕也卿既為朕來矣顧不能舒徐歲月以副朕責成之意可乎今公私匱急誠如來奏苟吾有司審盈虛

知取予雖未能使國有九年之蓄猶可使民受一分之賜也諺曰不可為而釋位以求去是豈近臣體國之謹哉與其懲前事以自全不若勵新庸而圖報歸榮之請其止勿言所請宜不允

西山先生真文忠公文集卷第十九

西山先生真文忠公文集卷第二十

翰林詞草

答詔

賜起復正議大夫右丞相兼樞密使太子少師史彌遠辭免以皇太子冊寶推恩特轉一官恩命不允詔

勅具悉朕承宗廟之重惟稽古建我元子于東宮粵二年秋躬即大慶行冊命禮鐘鼓在虞衣冠在廷洋然和氣克塞上下俾朕得以垂萬世休無愧祖宗付託之懿者皆吾大臣輔贊

力也卿以宏深正大之學端亮純一之誠夙簡朕心從游資善迪我儲德底于光明密決大計以安天下遂繇賓傳升亞維師教論德成既顯且久未有丞相若者第進一官姑循故實顧朕意猶以為謙而卿欲辭之得乎亟抵滄恩母過成命所辭宜不允

賜中大夫知樞密院事兼參知政事兼太子賓客雷孝友通奉大夫參知政事婁機正議大夫參知政事樓鑰中大夫同知樞密院事章良能端明殿學士通議大夫簽

書樞密院事宇文紹郎辭免 皇太子受冊命了畢各與轉一官恩命不允詔

勅具悉朕觀三代有道之長法重離繼照之象更化之始首建儲闈宗祀之前舉行冊禮宏休懿鑠照映古今神祇相考莫不咸喜卿等以股肱良弼兼組青宮既殫出入諭教之勤後與周旋禮文之盛闕而不錄謂典章何傳不云羣太子正而天下定卿等有輔朕安天下之功矣而欲辭一秩之賞得乎亟其抵承毋或多遜所辭宜不允

賜正議大夫守吏部尚書兼修國史實錄院修撰兼太子詹事曾喚辭免以

皇太子受冊了畢本宮官吏等各與轉一

官恩命不允詔

勅具悉朕更化之始建我元子于青宮屬卿來歸寘在詹省以方嚴齟裕之德翼恭敬溫文之美今三載矣冊禮告成恩綸察察豈以端尹之重而可遺乎矧其祇服徽章益思所以輔吾子固萬世磐石之基是惟朕屬任之意控詞雖力義不可從所辭宜不允

賜朝散大夫試太子詹事兼同修國史實錄院同修撰兼秘書監戴溪辭免該遇

皇太子受冊推恩特轉一官恩命不允詔

勅具悉日吾元子之在資善也卿以當世儒先橫帙左右蓋於火燃泉達之始已有日漸月漬之功越既升儲備歷宮案迪之以正心誠意之學勉之以居仁由義之道後容啓沃裨益孔多朕方嘉爾之勞思所以表厲而未皇也禮成增秩亦維其常何必撓謙晉我成命所辭宜不允賜朝議大夫試尚書吏部侍郎兼太子右

庶子無同修國史兼實錄院同修撰汪遠
辭免 皇太子受冊畢本官官與轉一官
恩命不允詔

勅具悉古之論教太子者必以選左右為急朕
既參稽古誼正少陽之位又擇孝悌博聞有道
術者以衛翼之惟鄉以淵源純粹之學服在茲
選實能以正言正行啓迪儲德國本彌固鄉之
力與為多焉典冊崇成例俾增秩雖名即自曠
豈有望賜之心然功庸不報亦非待賢之誼往
承朕命毋煩固辭所辭宜不允
來奏云辱在臣
當存休國之

諒啟同羣吏倡
懷望賜之心

賜端明殿學士提舉臨安府洞霄宮衛涇
辭免 皇太子冊寶推恩以昨參知政事
兼太子賓客與轉一官恩命不允詔

勅具悉朕褒德錄賢不以新舊殊其禮論功行
賞不以中外二其心鄉名高一時學貫千古捐
身闕策力禪更化之宏規造膝輸忠與決建儲
之大議暨陟疑丞之任首參賓友之聯正事正
言效見聞而無隱重暉重潤資啓沃以居多屬
時典冊之告成載念勲勞之當紀豈其居外而

可遐遺第晉文階式昭眷意母徇謙為之素亟
推渙渥之承所辭宜不允

賜資政殿學士太中大夫知潭州充荆湖
南路安撫使衛誼上表再辭免更化之後
親祀南郊熙事備成慶切中外安丙衛誼
俱以近臣宣勞藩籬各特轉一官恩命不
允不得再有陳請詔

勅具悉昔周天子有事于先王於齊則賜之胙
於魯則歸之脰豈非股肱王室之重則當同其
福祿之休日朕經典告成均慶中外維西有蜀

維南有楚皆以近弼作予元侯勲名爛然並著
竹帛予維寵嘉之壬子制書命進崇秩亦周褒
齊魯之意也今卿抗章不拜願以天道虧盈為
言夫五服五章以待有德雖云朕命實本天心
朕固匪出於私卿尚何辭之有所辭宜不允不
得再有陳請

賜資政殿學士通奉大夫知興元軍府事
安丙再上表辭免南郊慶成特轉一官恩
命不允不得再有陳請詔

勅具悉朕惟古者先成民而後致力於神故自

更化以來分命邇臣付以藩閫俾之拊循兵民
填奠疆場戎干載戢穡寶用成庶幾無外顧之
憂矣於是抗嘉壇秩元祀典禮具飭紳人允諧
顧惟屏翰之勞奚止駿奔之比此優隆之典所
以獨施於吾重臣也今邊候底寧民物孔庶卿
其益務綏靖以稱朕心命數之蕃方自茲始曾
是一秩而可辭辱所辭宜不允不得再行陳請
賜中大夫權禮部尚書兼侍讀章穎乞許
歸田里不允詔

勅具悉朕觀昔者忠臣以言去國有晉落不偶

而終其身者有後開未幾而還踵登用者公道
之開塞率於是焉占之朕丕承 祖宗崇尚讜
直凡自初元以來繇論事去者更化之後亦有
存而未召召而弗用者乎惟卿寥寥匪躬名在
諸儒之右昔觸權倖一去十年越既來歸實在
經陞從容獻替朕甚嘉之問由貳卿進攝宗伯
鳴珮澤笏出入闕庭使薦紳大夫相語曰此慶
元諫爭之臣嘗詘而復伸者也激高風而勵頽
俗庶其在茲卿方懷歸殊唏吾意所請宜不允
賜通奉大夫參知政事兼太子賓客婁機

感疾乞許納祿不允詔

勅具悉昔太公既老猶起海濱留侯雖病疆輔太子朝有華髮之良國之福也豈以晦明風雨之不常而輕聽其去哉已詔有司予卿朝謁之告卿其頡精神近醫藥以自輔歸榮之請朕未欲聞所請宜不允仍給假十日

楊次山辭免新除少保進封永陽郡王加

食邑食實封恩命不允詔

勅具悉三孤之官貳公弘化朕未嘗輕以授人也而况茅土之封自元豐命曹佾之後施諸

后族越不過六七人今朕因青宮冊禮之成既擢卿于亞保之位又以累朝待元舅者待卿可謂不世之榮殊常之遇矣非卿老成靜重蔚有令德朕敢以天官為私寵乎往祗朕恩圖所以稱此者循牆之避宜畧常文所辭宜不允

再賜楊次山辭免恩命不允詔

勅具悉昔在東都有賢戚曰陰識以椒房同氣之重而能謙冲自處為世祖所嘉尚每指之以勅戒貴戚激厲左右焉今朕有卿亦猶是也儲閨受冊推恩外家顧惟親賢疇出卿右三孤之

拜王社之封所以褒表耆德為戚里勸也朕命
不易毋庸固辭所辭宜不允

賜潭州觀察使知閤門事兼客省四方館
事兼提點御前忠佐軍頭引見司楊谷
辭免皇太子受冊了畢除承宣使恩命
不允詔

勅具悉朕嘗閱東都之史見明德焉后撫育儲
嗣之功著在簡策焜燿來世未嘗不深嘉而屢
歎也粵予元子蚤正春宮保惠扶持備殫勞悴
皆至執坤元之力其砥漢事尤有光焉典冊告

成疏恩外屬惟卿伯仲夙著賢稱富貴無自滿
之心忠孝有兼全之節若時晉務實亞齋旒肆
繇察廉並命褒陟書不云辱用德彰厥善朕之
寵卿盖庶幾辱此卿其何辭所辭宜不允

賜朝請即試尚書吏部侍郎兼修玉牒官
兼侍讀兼權給事中許奕乞川蜀待闕州
郡差遣不允詔

勅具悉昔蕭望之以諫官補郡吏不忘雅意之
在本朝呂元膺繇給事守同州復以讜言而爵
左右朕惟宣帝憂民之切不如憲宗納諫之明

若時近臣可使輕去卿以有用之學不窮之
冠多士於臨軒之初踐禁涂於更化之日其侍
經幄以正道沃朕心其攝瑣闥以忠規裨朕聽
方有頽拙鱗之直可遷為叱馭之行其安殿官
益勵爾操使朕無愧元和之主卿亦有光先漢
之臣何必守藩乃為報國所請宜不允

賜特進觀文殿大學士並舉臨安府洞霄
宮錢象祖上表再辭免特授少保依前觀
文殿大學士充醴泉觀使加食邑食實封
恩命不允不得再有陳請詔

勅具悉朕建儲之始稽用舊典命二三大臣並
職輔導于東宮卿以台衡之尊兼師傅之重須
眉皓然衣冠甚偉有如綺里之侍宴廣閭閻惻
惻屢有諫正又如張黼之在經帷朕甚嘉之雖
去國之久未嘗忘也肆因顯冊之成命晉孤卿
之秩詩不云乎無言不讐無德不報朕心蓋庶
幾焉毋庸固辭弗我眷意所辭宜不允

賜正奉大夫守吏部尚書兼修國史兼實
錄院修撰兼太子詹事曾暉乞今謝事歸
養沉痾不允詔

勅具悉朕惟昔之賢哲輕棄軒冕勇往不回其
說有二或時君信道弗篤不足與有為或同列
慕賢者多不去則有咎故二疏享知止之樂香
山全退傳之名今朕虛已待賢常若弗及衆正
在列不以小人參之士而無志當世則已苟誠
有志可失斯時况卿位冠後臣責任不為不重
職居宮尹寵過不為不優一旦浩然欲去朝廷
而傲丘壑固足以遂卿考槃之志獨不使朕獲
權輿之譏乎所請宜不允

賜起復正議大夫右丞相兼樞密使兼太

子少師史彌遠乞歸田廬補還服制不允

詔

勅具悉在昔 昌陵興帝王之業惟時趙普建
杜稷之勲奪哀情於艱疚之初蠲起復於祥除
之日未聞有請欲許終喪茲故實之甚明在信
書而可攷卿為碩輔繫國世臣以忠純不二之
心奮剛毅必為之節力陳至計正儲闡少海之
尊果蹈危機安宗廟泰山之固勢從人望登拜
台司有調娛中外之功有經理久長之策豈容
頃步輕去朝廷矧禮極哀榮既事親而無憾則

義均休戚在體國以宜先益堅致主之心庸副
教忠之望所請宜不允

賜煥章閣學士通議大夫知江陵府克京
西湖北制置使李太性辭免除寶文閣學
士依舊知江陵府克京西湖北制置使不

七詔

勅具悉朕惟荆襄上游屏蔽南服間者邊事之
興被兵為尤甚生齒流散田萊多荒蓋嘗喟然
面顧而歎曰孰能為朕勞徠還定俾復其舊乎
卿以法從之英首任閫寄撫柔遠近得江漢之

心政聲流聞朕意以擇維 昭陵圖書之府遂
在而清俾卿職其閒庸示風勸往服朕命益綏
吾民庶無負褒表之意尚何以辭為所辭宜不
允

賜起復正議大夫右丞相兼樞密使兼太
子少師史彌遠再上奏劄子乞歸田里補
還服制依已降指揮不允不得再有陳請

詔

勅具悉大臣之義與眾庶不同多事之時視承
平亦異夫既任安危之責則當權輕重之宜外

世秉鈞衡望隆柱石以身徇國昔嘗捐家族而弗辭移孝而忠今可執親喪而為解矧歲月將臨於祥禫而哀榮備極於始終其在鄉心夫復奚憾顧今朝廷之上有宵旰之憂朕方喟然思與濟此尚念倚毗之切勉恢康乂之圖庶允答於民瞻亦有光於慈訓所請依已降指揮不允不得再有陳請

賜正議大夫參知政事兼太子賓客婁機年齒衰老疾病易生乞許納祿不允詔

勅具悉朕以卿為天下之老有大臣之風越後

衆言擢在二府所資從容論道之益非有奔走宣力之勞何為上章欲致厥事昔畢公弼亮四世而克勤小物衛武九十在位而以禮自防鄉年雖高未至於是其思國計之重甚於身謀民瘼之瘳急於已疾勉徇大義勿復有云所請宜不允仍給假半月

宋奏云有不世與凌之言

賜太中大夫守尚書戶部侍郎兼詳定勅令官兼權工部尚書沈作賓乞效官偏壘

不允詔

勅具悉矣乘人之車者任人之患食人之祿者

分人之憂卿職在論思誼同休戚屬茲多事之際當以盡瘁為心云胡上書遽欲自佚昔王事靡盬詩人有不皇將母之歎今卿所遇固異于斯進則啓沃朕前退則怡愉膝下苟能報國自足悅親尚思勉於功名庶兼全於忠孝所請宜不允

賜正奉大夫參知政事兼太子賓客樓鑰

辭免同提舉編修勅令恩命不允詔

勅具悉朕惟我朝之舊章最得先王之遺意以道揆權法守故能昭合人情之公以儒者議

名故能深原天討之用長我王國不在茲乎卿蚤踐朝行久勳屬筆晚參政路嘗與提綱惟心平可以酌律令之重輕惟學博可以訂古今之沿革茲焉申命宜謂得人勉終已試之功毋以不能為解所辭宜不允

賜華文閣直學士朝請大夫知福州充福建路安撫使葉時乞界官觀差遣不允詔

勅具悉朕惟前日守將屢易之弊至於居官數月輒遷有新故更代之煩而失上下相安之美朕甚厭之故嘗深念縱未能復唐虞九載之制

獨不可因任賜書如神爵五鳳間專卿性資粹
明學問淵博頃勞灑後出鎮全閩以忠厚及物
之心施平易近民之政曾未期年遠近愛之詩
曰豈弟君子民之父母卿既庶幾乎此矣顧不
少留以綏朕赤子可辱勉安厥官毋拂朕指所
請宜不允

賜保康軍承宣使左驍衛上將軍鎮江都
統兼知揚州淮東安撫使畢再遇乞畀在

外宮觀差遣不允詔

勅具悉朕聞立功名易保功名難究觀往昔將

帥之臣克自祗畏雍容進退不失令名者曾幾
人哉蓋矜功則志易驕怙寵則身易危其勢然
也卿拔自我行又董師律威震夷貊勇聞江淮
而能慕古人知止之風察天道虧盈之戒便朝
入對亟請奉祠可謂善處功名之間矣然而旅
力方剛精神尚強當勉未為之勲業益思無負
於恩榮姑徐爾歸往聽朕訓所請宜不允

賜通議大夫試戶部尚書兼詳定勅令官

沈誥乞檢會前後所奏俾令納祿不允詔

勅具悉朕以月正元日眡群臣朝當三陽彙進

之時惕然有感於易之泰曰內君子而外小人
君子道長小人道消也然則老成者德之彥其
可使之輕去也執卿質直敢言清脩有守方賢
雅望以重本朝矧蹇叔之力雖愆而楚丘之謀
始壯尚其祗服毋替告猷所請宜不允

賜寶謨閣直學士中大夫知潼州府劉甲

乞許納祿退安田里不允詔

勅具悉朕惟元祐忠賢之世鮮或有聞西州
人物之宗今其餘幾卿洪毅有守篤實不欺器
能適用於閒暇之時風節自持於變故之日頃

錄南鄭易殿東川甫及期年稔聞報政鄉閭非
遠初何殊畫繡之榮精力尚彊毋遽羨安車之
樂勉綏民瘼庸副朕懷所請宜不允

賜端明殿學士通奉大夫簽書樞密院事

兼太子賓客宇文紹節乞畀祠祿不允詔

勅具悉朕聞為國者必有文武兼備之賢威名
素著之彥使之端委廟堂圖議帷幄然後足以
弭未形之患收無競之功卿器度恢洪材猷英
特迺者總戎外闕風采隱然登登樞筵備罄忠
善今雖漢池之警蕩滌條有期朕心所憂正在賊

平之後維持鎮定方將與大臣圖之而卿遽請
奉祠以求自佚非所聞也矧卿德望並隆中外
所恃當身任經綸之責可輕為去就之謀勉聽
朕言勿履再請所請宜不允

兵之問浸已罕少云云

奏劄云今幸皇靈遠暢盜賊蕩平甲

賜建武軍節度使鄂州江陵府駐劄御前
諸軍都統制鄂州駐劄主喜乞祠祿不允

詔

勅具悉卿以西州拳勇之英名擢朕聽擁旄仗
節極將帥之榮必能忘身乃可報國今疆場晏

然非有執干戈援枹鼓之役也惟公惟廉以勤
撫我士卒使戎政日肅武備日修則優繇折衝
可以忘老遽求閒退非朕所期所請宜不允

賜端明殿學士通奉大夫簽書樞密院事
兼太子賓客宇文紹節乞界祠祿不允不

得再有陳請詔

勅具悉朕惟人主用賢之功必悠久而後見大
臣體國之誼豈進退之可輕卿靜重有謀沈深
能斷自登簪橐清華之選即值干戈做擾之虞
屏蔽江淮蕃宣襄漢牧人御衆有寇恂之材治

軍理民兼武侯之畧參稽輿論權貳樞運鎮撫
四夷正藉威名之素調娛萬務方觀智識之長
疊覽來章遽析去位豈有能應變於昔者紛紜
之會而不能運籌於今茲聞暇之時舍朕而歸
其義安在尚念倚毗之切勉恢經濟之圖期斯
世之舉安雖退休其未晚所請宜不允

賜資政殿大學士中大夫知興元軍府事

克利州路安撫使克成都潼川府夔州路

制置大使安丙乞界宮觀差遣不允詔

勅具悉朕慨念坤維馳在萬里非威名夙著不

足以鎮服物情非智畧有餘不足以酌酢事變
故專任卿以一面之責庶幾寬予西顧之憂遽
覽來章首陳故實及復申繹為之憮然知卿誠
悃之深有如嚙且顧朕倚毗之切方若長城其
體至懷少安厥位所請宜不允奏劄云祖宗舊
制不以蜀人為

大帥
云云

賜武康軍承宣使殿前副都指揮使夏震

納祿不允詔

勅具悉卿誠於衛上為朕之信臣老於治兵為
特之良將既越衆人而登用豈容一旦以告歸

矧今師律浸修戎容載肅輕裘緩帶何禦侮之
勞雅歌投壺有從軍之樂縱令自佚何以過茲
為國折衝蓋無踰老臣者引年謝事豈所圖將
軍哉所請宜不允

賜正奉大夫參知政事兼太子賓客樓鑰
乞再挂衣冠不允詔

勅具悉卿自去夏以來數致告歸之請朕言誠
惻非不欲從顧念國計所關為說有二大臣之
道固匪一端至於合和朝廷調一天下非存心
忠厚如古之言人持論寬平若漢之長者則不

足與任此卿於二者蓋庶幾焉其不可去一也
朝有大政國有舊章孰咨孰謀繫我元老其不
可去二也今雖紀綱畧定中外向寧乃若建長
策以起治功護元氣以固國脉兢兢業業正在
斯時卿當勉畱力輔不逮遽求自佚朕何望焉
所請宜不允

賜光祿大夫提舉臨安府洞霄宮張巖辭

免復資政殿學士依舊宮觀恩命不允詔
勅具悉朕惟皇建極以恕及人苟或取一節之
長不暇計平生之素其為忠厚殆過古初卿曩

自周行躡登要路方進長西樞之日蓋與聞北
伐之謀雖不能折王恢首事之非而粗知守魏
絳和戎之利物論固多於歸咎公朝寧過於用
恩既予真祠復還舊職與人求滿朕不忍為居
寵思危爾當知戒第堅圖報焉用控詞所辭宜
不允

賜中大夫權禮部尚書兼侍讀兼修玉牒
官章頴辭免除禮部尚書兼職依舊恩命
不允詔

勅具悉昔朕之就傳也 先皇帝妙簡一時之

望以從我于潛藩琢磨以道誼漸清以經術益
無異商宗之學甘盤漢皇之得四皓也今其存
者尚復幾人登進褒崇詎容或後卿正大之學
是以格君清修之行足以勵俗中緣直道去國
有年肆其來歸擢侍經幄閭閻惻惻動寓忠愛
砥前為有加焉文昌六卿禮最高選載疇已試
即念為真朕於敬故尊賢庶哉兩得之矣抗章
東避豈所圖於卿者哉所辭宜不允

賜中奉大夫試尚書吏部侍郎兼太子右
庶子兼同修國史兼實錄院同修撰汪達

辭免除權工部尚書兼職依舊恩命不允

詔

勅具悉朕惟士大夫有以風節自持道誼自任
標望屹然為人物之冠者其在清明之世豈容
進用之未至哉卿以洪毅任重之資博洽多聞
之學是似先正為時名流中緣直道見嫉群枉
澹然自守士論宗之更化來歸實在禁近朕心
資其啓沃儲德賴其緝熙參稽師言擢掌事典
傳曰正臣進者治之表薦紳方屬目焉亟行所
知毋或多遜所辭宜不允

賜中奉大夫權二部尚書兼太子右庶子

兼同修國史兼實錄院同修撰汪達辭免

除權吏部尚書兼太子詹事日下供職不

允詔

勅具悉朕惟職總三銓文昌為重地鄰六傳端
尹為高以卿頃佐治官擅精明之譽久聯中護
多輔導之功肆加二命之榮蓋極一時之選允
諧衆望焉用牢辭夫綜叙人材不在身言書判
之末緝熙儲德豈以章句文義為先有崔毛之
行然後足以銷浮競之風有園綺之實然後足

以廣見聞之益非卿不能任此非朕不能用卿
亟其抵欽益究所蘊所辭宜不允

賜正奉大夫參知政事兼太子賓客樓鑰
乞致仕不允不得再有陳請詔

勅具悉日卿引疾自言求釋政務朕嘗以二不
可諭卿矣今曾幾時復有是請夫正人治之表
也耆艾民之望也卿之在朝屹若山嶽鎮靜無
作而群目自瞻去就之間其可以易昔楚丘生
有言使我拔距投石則固老矣若深謀遠計則
吾始壯也以卿之聰明疆力獨不當以是自許

羣勉為朕留毋復言去所請宜不允不得再有
陳請故茲詔示想宜知悉

賜正奉大夫守刑部尚書兼直學士院兼
侍讀黃由乞昇外祠不允詔

勅具悉朕聞遭時行道君子之盛心徇國忘家
人臣之大節故爵隆則務極其報任重則聚顧
其私卿被遇祖宗為時耆舊其在階邸以三善
而翼朕躬其居從班以一言而平黨論雖屢更
於藩屏每欽佇於儀刑比趣來歸訢聞入告闡
溫厚之文以華國典廣哀矜之指以洽民心方

懋簡知邊祈閑退夫朝廷之事重於閨門君臣之恩深於伉儷豈以悼亡之故遂虧盡瘁之忠勉服官常以慰人望所請宜不允

來奏臣妻胡氏今以疾亡

云

賜降授朝議大夫李璧辭免復元官官觀

恩命不允詔

勅具悉朕惟公論所在未有久而不明人材寔難弗忍使之終棄知傳家之學貴乎古今憂世之心形於辭色曩參酸假屬值多虞處羣小橫流之中而有陰扶善類之意當大權倒植之際

而有密制元惡之謀况其逆返於虜連嘗欲挽回於兵釁謂世讐固所當復而邊重豈可遽興至今斯言猶在朕聽迨奮投龜之決定成解懸之功稽其忠勤厥有本末茲博參於清議爰盡洗於丹書既復文階仍頒祠廩以示原情之典以隆念舊之恩毋庸控詞尚克知報所辭宜不允

賜寶文閣學士通議大夫知江陵府充湖北路安撫使充京西湖北路制置使李大性乞許奉祠歸里不允詔

勅具悉卿填臨兩路出入四年雖用人之道勞
佚宜均顧制閫之權重輕所繫與其勉從雅志
歸尋故里之安孰若因任老臣增長長城之衛
矧卿負材獨異簡卷特深父子一門繼處嚴徐
之近侍第昆三鎮雄分魯衛之大邦恩隆則報
稱宜先任重則倚毗滋厚尚體朝廷之意益綏
江漢之民式忤遄歸奚煩忱請所請宜不允

賜正議大夫兵部尚書兼詳定勅令官趙
師弄乞歸田里不允詔

勅具悉朕惟 祖武之啓中興今垂百祀以宗

盟而位常伯僅止四人卿韞識通明負材超卓
屢陟文昌之邇列有光屬籍之前聞朕方招額
群英作興庶事耆德之彥猶多就列以赴功同
姓之卿其可便私而去國尚勉靖共之操以酬
眷遇之恩何必告歸乃為知義所請宜不允

賜朝議大夫權工部尚書兼同修國史兼
實錄院同修撰兼太子詹事戴溪乞納祿
歸田里不允詔

勅具悉昔漢戴憲以說經不窮居侍中之職晉
戴逵守道難進論者以為宜備東宮之官朕惟

卿學問淵博號諸儒之宗發行端醇負當世之望是用擢登文昌兼任詹省進則以忠規裨朕聽退則以經術輔吾兒朕之待卿者蓋不薄矣云胡引疾亟欲求歸載闕來章殊非所望所請宜不允

賜太中大夫知樞密院事兼參知政事兼太子賓客雷孝友乞奉外祠不允詔

勅具悉朕以涼菲之質日親萬幾賴輔弼之臣共為一體每推誠而任責期措世於不平以卿副毅質直有古人之風博厚魁闔有大臣之度

擢在二府于今五年其於貌體之隆初無毫髮之間欲行所志可失斯時而卿何嫌何疑亟求於引去豈朕不明不敏弗足以有為聞之撫然甚用自愧矧今外虞雖弭而元氣未克多事甫平而長策當建迨天之未陰雨宜謹豫防若水之無津涯政須同濟徃思底義勿復懷歸所請宜不允

賜正奉大夫守刑部尚書綠直學士院兼侍讀黃由乞歸田里不允詔

卿昔事潛藩居多忠益暨登法從厥有仁言當

重華違豫之時朕獲以綠車入侍伊誰抗議卿
寔開先此其有功國家者一迨夫權臣竊柄私
意日滋群邪翼之和附如響而卿獨啟正論以
鈞黨之禁為不可興深遺衆言以發策之慙為
不必問此其有功士類者二夫上則效忠於君
父下焉弭禍於縉紳有臣如斯朕所嘉賴文昌
帥屬經幄侍言正須老成宿望之英日有直亮
多聞之助舍朕而去於義可辱所請宜不允

賜觀文殿學士金紫光祿大夫何澹再辭
免差知江陵府恩命仍乞祠祿不允不得

再有陳請詔


勅具悉昔周公以叔父之尊而分陝服畢公以
四時之弼而尹東郊古之大臣宣力王室潤澤
生民不以老壯二其心蓋如此卿時之舊德國
之宗工出處之間輕重所繫茲庸昇卿上流之
寄庶幾寬予一面之憂謂宜過驅乃以疾諗當
時寒而遠役朕固有惕于中為民瘼而一行卿
亦何辭之有亟承詔諭勿重有陳所辭宜不允
不得再有陳請

賜朝議大夫試尚書吏部侍郎兼中書舍

人兼太子右庶子兼同修國史實錄院同
修撰曾從龍乞界祠祿或待闕便鄉州郡
不允詔

勅具悉朕觀周公立政之書左右常伯其惟吉
士考賈誼治安之策輔導太子必以正人卿性
資端良學行醇茂持衡銜部共稱鑒裁之公橫
帙儲闈居多啓沃之助雖當盛年晉用之日蔚
有碩德老成之風方懋簡知豈容輕去况進則
雍容於禁闈退焉密勿於親連顧非有北山之
勞初何廢南陔之養尚其抵服勿復言歸所請

宜不允



西山先生真文忠公文集卷第二十

